



O'ZBEKISTON RESPUBLIKASI YOSHLAR ISHLARI AGENTLIGI DIREKTORINING BUYRUG'I

20 25 y. " 25 " mart

N^o 01-10/45

Yoshlar ishlari agentligi direktorining 2022-yil 24-iyundagi "O'zbekiston Respublikasi Vazirlar Mahkamasining 2022-yil 20-maydagi 276-son qarori ijrosini ta'minlash to'g'risida"gi 01-10/196-son buyrug'iga o'zgartirish kiritish to'g'risida

Yoshlar ishlari agentligi Korrupsiyaga qarshi komplayens nazorati bo'yicha bosh mutaxassis D.Aralov hamda Ichki audit bo'yicha bosh mutaxassis N.Xayrullayevlarning bildirishnomasini inobatga olib, O'zbekiston Respublikasining 2021-yil 22-apreldagi "Davlat xaridlari to'g'risida"gi O'RQ-684-son Qonuni, Vazirlar Mahkamasining "Davlat xaridlarini amalga oshirish bilan bog'liq tartib-taomillarni tashkil etish va o'tkazish tartibi to'g'risidagi nizomni tasdiqlash haqida" 2022-yil 20-maydagi 276-son qarori ijrosini ta'minlash maqsadida,

BUYURAMAN:

1. O'zbekiston Respublikasi Yoshlar ishlari agentligi direktorining 2022-yil 24-iyundagi 01-10/196-son buyrug'iga 2-ilova quyidagi tahrirda bayon etilsin:

"Yoshlar ishlari agentligi direktorining
2022-yil 24-iyundagi
01-10/196-son buyrug'iga
2-ilova

Yoshlar ishlari agentligi markaziy apparati Xarid komissiyasi TARKIBI

I. Komissiya raisi:

1. Yoshlar ishlari agentligi direktorining tegishli yo'nalish bo'yicha o'rinbosari

II. Komissiya a'zolari:

2. Davlat xaridlarini tashkil etish, energiya tejamkorligini ta'minlash va xo'jalik bo'lim boshlig'i.

3. Moliya-iqtisod bo'limi boshlig'i.

4. Yuridik bo'lim boshlig'i.

5. Boshqarma (bo'lim) boshlig'i (davlat xaridi yo'nalishi bo'yicha).

III. Komissiya mas'ul kotibi:

Davlat xaridlarini tashkil etish, energiya tejamkorligini ta'minlash va xo'jalik bo'limi bosh mutaxassisi.

Izoh:

1. Komissiya a'zolari bosliqa ishga o'tgan taqdirda, uning tarkibiga ushbu lavozimga yangidan tayinlangan shaxslar kiritiladi.

2. Zarurat bo'lganda komissiya tarkibiga Agentlikning tegishli yo'nalish bo'yicha boshqa xodimlari kiritilishi mumkin. Bunda, davlat xaridi media xizmatini yoki media mahsulotlarni xarid qilish bilan bog'liq bo'lganda Axborot va media xizmati rahbari komissiya tarkibiga kiritilishi shart".

2. Yoshlar ishlari agentligi direktorining 2022-yil 1-avgustdagi "Yoshlar ishlari agentligi direktorining 2022-yil 24-iyundagi "O'zbekiston Respublikasi Vazirlar Mahkamasining 2022-yil 20-maydagi 276-son qarori ijrosini ta'minlash to'g'risida"gi 01-10/196-son buyrug'iga o'zgartirish kiritish to'g'risida"gi 01-10/236-son buyrug'i o'z kuchini yo'qotgan deb topilsin.

3. Ushbu buyruq ijrosini nazorat qilishini o'z zimnamda qoldiraman.

Direktor



A.Sa'dullayev

№ 01-24/23

17.03.2025-y.

O'zbekiston Respublikasi Yoshlar
ishlari agentligi direktori
A Sa'dullayevga

BILDIRGI

Hurmatli Alisher Zafarovich,

O'zbekiston Respublikasining korrupsiyaga qarshi kurashish, manfaatlar to'qnashuvining oldini olish hamda davlat xaridlari jarayonlarida shaffoflikni ta'minlashga oid amaldagi qonunchilik talablaridan kelib chiqib, quyidagilarni ma'lum qilamiz.

Yoshlar ishlari agentligining Korrupsiyaga qarshi komplayens nazorati bo'limi Agentlik tizimida korrupsiyaviy xavflarni minimallashtirish, manfaatlar to'qnashuvining oldini olish va nazorat qilish funksiyalarini amalga oshiradi. Shuningdek, Vazirlar Mahkamasining 01.08.2022-yildagi 416-sonli qarori 14-bandida Ichki audit bo'limiga "davlat xaridlarida xarid komissiyalari faoliyatini o'rganish" funksiyasi belgilangan.

Shu munosabat bilan davlat xaridlari bo'yicha qaror qabul qiluvchi komissiya tarkibida ushbu lavozimlarning bo'lishi lavozim vakolatlari va xolislik tamoyiliga zid keladi hamda manfaatlar to'qnashuvini keltirib chiqaradi.

Quyidagi normativ-huquqiy hujjatlar ushbu masalaga huquqiy asos bo'la oladi:


- O'zbekiston Respublikasining "Korrupsiyaga qarshi kurashish to'g'risida"gi Qonuni (O'RQ-419-son, 2017 yil 3-yanvar) 24-moddasiga muvofiq, korrupsiyaga qarshi nazorat xodimlari mustaqil bo'lishi hamda manfaatlar to'qnashuviga yo'l qo'ymasligi lozim.

- "Davlat xaridlari to'g'risida"gi Qonun (O'RQ-684-son, 2021 yil 22-aprel) 15-moddasiga ko'ra, xarid komissiyasi tarkibiga faqat manfaatlar to'qnashuvi mavjud bo'lmagan xodimlar kiritilishi shart.

- O'zbekiston Respublikasi Prezidentining PQ-81-son qarori (2022 yil 12-aprel) davlat xaridlarida manfaatlar to'qnashuvini boshqarish va bartaraf etish zarurligini belgilaydi.

Yuqoridagilarni inobatga olgan holda, Yoshlar ishlari agentligi Davlat xaridlari komissiyasi tarkibidan Korrupsiyaga qarshi komplayens nazorati bo'yicha bosh mutaxassisi hamda Ichki audit bo'yicha bosh mutaxassis lavozimlarini chiqarish bo'yicha tegishli ko'rsatma berishingizni so'raladi.

**Korrupsiyaga qarshi komplayens
nazorati bo'yicha bosh mutaxassis**


D. Aralov

**Ichki audit bo'yicha
bosh mutaxassis**


N. Xayrulayev



O'ZBEKISTON RESPUBLIKASI YOSHLAR ISHLARI AGENTLIGI DIREKTORINING BUYRUG'I

20 22 y. 01 avgust

N^o 01-10/236

Yoshlar ishlari agentligi direktorining 2022-yil 24-iyundagi "O'zbekiston Respublikasi Vazirlar Mahkamasining 2022-yil 20-maydagi 276-son qarori ijrosini ta'minlash to'g'risida"gi 01-10/196-son buyrug'iga o'zgartirish kiritish to'g'risida

O'zbekiston Respublikasining 2021-yil 22-apreldagi "Davlat xaridlari to'g'risida"gi O'RQ-684-son Qonuni, Vazirlar Mahkamasining "Davlat xaridlarini amalga oshirish bilan bog'liq tartib-taomillarni tashkil etish va o'tkazish tartibi to'g'risidagi nizomni tasdiqlash haqida" 2022-yil 20-maydagi 276-son qarori ijrosini ta'minlash maqsadida:

1. O'zbekiston Respublikasi Yoshlar ishlari agentligi direktorining 2022-yil 24-iyundagi 01-10/196-son buyrug'iga 2-ilova quyidagi tahrirda bayon etilsin:

"Yoshlar ishlari agentligi direktorining
2022-yil 24-iyundagi
01-10/196-son buyrug'iga
2-ilova

Yoshlar ishlari agentligi markaziy apparati Xarid komissiyasi TARKIBI

I. Komissiya raisi:

1. Yoshlar ishlari agentligi direktorining tegishli yo'nalish bo'yicha o'rinbosari

II. Komissiya a'zolari:

2. Ishlar boshqarmasi boshlig'i.
3. Moliya-iqtisod boshqarmasi boshlig'i.
4. Korrupsiyaga qarshi komplayens nazorat va ichki audit xizmati boshlig'i.
5. Yuridik byuro boshlig'i.
6. Ichki audit xizmati bo'yicha bosh mutaxassis.
7. Boshqarma (bo'lim) boshlig'i (davlat xaridi yo'nalishi bo'yicha).

III. Komissiya mas'ul kotibi:

Ishlar boshqarmasi bosh mutaxassisi.

Izoh:

1. Komissiya a'zolari boshqa ishga o'tgan taqdirda, uning tarkibiga ushbu lavozimga yangidan tayinlangan shaxslar kiritiladi.

2. Zarurat bo'lganda komissiya tarkibiga Agentlikning tegishli yo'nalish bo'yicha boshqa xodimlari kiritilishi mumkin. Bunda, davlat xaridi media xizmatini yoki media mahsulotlarni xarid qilish bilan bog'liq bo'lganda Axborot va media xizmati rahbari komissiya tarkibiga kiritilishi shart".

2. Ushbu farmoyish ijrosini nazorat qilishni o'z zimmamda qoldiraman.

Direktor



A.Sa'dullayev



O'ZBEKISTON RESPUBLIKASI YOSHLAR ISHLARI AGENTLIGI DIREKTORINING BUYRUG'I

20 22 - 24 " iyun

N^o 01-10/196

O'zbekiston Respublikasi Vazirlar Mahkamasining 2022-yil 20-maydagi 276-son qarori ijrosini ta'minlash to'g'risida

O'zbekiston Respublikasining 2021-yil 22-apreldagi "Davlat xaridlari to'g'risida"gi O'RQ-684-son Qonuni, Vazirlar Mahkamasining "Davlat xaridlarini amalga oshirish bilan bog'liq tartib-taomillarni tashkil etish va o'tkazish tartibi to'g'risidagi nizomni tasdiqlash haqida" 2022-yil 20-maydagi 276-son qarori ijrosini ta'minlash maqsadida

BUYURAMAN:

1. O'zbekiston Respublikasi Vazirlar Mahkamasining "Davlat xaridlarini amalga oshirish bilan bog'liq tartib-taomillarni tashkil etish va o'tkazish tartibi to'g'risidagi nizomni tasdiqlash haqida" 2022-yil 20-maydagi 276-son qarori (keyingi o'rinlarda – Qaror) ijro uchun qabul qilinsin.

2. Quyidagilar:

Yoshlar ishlari agentligida davlat xaridlarini amalga oshirish bilan bog'liq tartib-taomillarni tashkil etish va o'tkazish tartibi to'g'risidagi nizom 1-ilovaga;

Yoshlar ishlari agentligi markaziy apparati xarid komissiyasining tarkibi 2-ilovaga muvofiq tasdiqlansin.

3. Belgilansinki:

xarid komissiyasi davlat xaridlarining predmetidan kelib chiqqan holda, o'z faoliyatini amalga oshirish uchun ekspertlarni yoki ekspert tashkilotlarini shartnoma asosida yoki tekin asosda jalb etishi mumkin;

ma'lum sohadagi mutaxassis ishtirokiga zarurat tug'ilganda komissiya raisi topshirig'iga muvofiq komissiya tarkibiga Yoshlar ishlari agentligi xodimlari yoki boshqa mutaxassislar ham kiritilishi mumkin;

agar O'zbekiston Respublikasi Prezidentining farmonlari va qarorlari, O'zbekiston Respublikasi Vazirlar Mahkamasining qarorlari bilan Agentlikka tender o'tkazmasdan xaridlarni amalga oshirish huquqi berilsa, xarid qilish tartib-taomili davlat xaridining summasidan qat'i nazar tanlash orqali amalga oshiriladi. Bunda tovarlarning (ishlarning, xizmatlarning) qiymati budget buyurtmachilari

uchun bazaviy hisoblash miqdorining olti ming baravaridan oshgan hollarda davlat xaridiga doir texnik topshiriqlar qonunchilikda belgilangan tartibda ekspertiza uchun O'zbekiston Respublikasi Iqtisodiy taraqqiyot va kambag'allikni qisqartirish vazirligi huzuridagi "Loyihalar va import kontraktlarini kompleks ekspertiza qilish markazi" davlat unitar korxonasiga kiritiladi;

xarid komissiyasi ijrochini aniqlash tartib-taomillari davlat xaridlari to'g'risidagi qonunchilik hujjatlari talablariga muvofiqligi, o'zi qabul qilayotgan qarorlarning asosiligi va beg'arazligi uchun javobgar hisoblanadi.

5. Yoshlar ishlari agentligi:

a) markaziy apparati xarid komissiyasi xarid to'g'risidagi qonunchilik hujjatlariga va ushbu buyruq bilan tasdiqlangan nizom talablariga qat'iy rioya etilishini ta'minlasin;

b) Ishlar boshqarmasi (I.Ziyodilloev) elektron do'kondan foydalanish va boshlang'ich narxni pasaytirish uchun auksion o'tkazish orqali davlat xaridlarini amalga oshirishda xarid to'g'risidagi qonunchilik hujjatlariga va ushbu buyruq bilan tasdiqlangan nizom talablariga qat'iy rioya etilishini ta'minlasin;

d) Inson resurslarini rivojlantirish boshqarmasi (A.Muminov) bir oy muddatda Yoshlar ishlari agentligi markaziy apparati Ichki audit xizmati bo'yicha bosh mutaxassis N.Xayrullayev va Ishlar boshqarmasi bosh mutaxassisi A.Gulyamovning O'zbekiston Respublikasi Moliya vazirligi huzuridagi o'quv markazida davlat xaridlari tartib-taomillari bo'yicha o'quv kurslarida o'qishini ta'minlasin;

e) hududiy bo'linmalari boshliqlari:

bir hafta muddatda Qarorga muvofiq davlat xaridlarini amalga oshirish tartibini ishlab chiqsin va tasdiqlasin;

o'z faoliyatida davlat xaridlari sohasidagi qonunchilik hujjatlariga qat'iy rioya etilishini ta'minlasin.

6. O'zbekiston Respublikasi Yoshlar ishlari agentligi direktorining 2021-yil 16-iyuldagi "O'zbekiston Respublikasining 2021-yil 22-apreldagi "Davlat xaridlari to'g'risida"gi O'RQ-684-son Qonuni ijrosini ta'minlash haqida"gi 01-10/152-son buyrug'i o'z kuchini yo'qotgan deb hisoblansin.

7. Mazkur buyruq ijrosini nazorat qilishni o'z zimnamda qoldiraman.

Direktor



A. Sa'dullayev

Yoshlar ishlari agentligi direktorining
2022-yil "14"-iyundagi 01-10/196-son buyrug'iga
2-ilova

**Yoshlar ishlari agentligi markaziy apparati Xarid komissiyasi
TARKIBI**

Komissiya raisi:

1. Yoshlar ishlari agentligi direktorining tegishli yo'nalish bo'yicha o'rinbosari

Komissiya a'zolari:

2. Ishlar boshqarmasi boshlig'i
3. Moliya-iqtisod boshqarmasi boshlig'i
4. Inson resurslarini rivojlantirish boshqarmasi boshlig'i
5. Korrupsiyaga qarshi komplayens nazorat bo'yicha bosh mutaxassis
6. Ichki audit xizmati bo'yicha bosh mutaxassis
7. Boshqarma (bo'lim) boshlig'i (davlat xaridi yo'nalishi bo'yicha)

Komissiya mas'ul kotibi:

Ishlar boshqarmasi bosh mutaxassisi

Izoh:

1. Komissiya a'zolari boshqa ishga o'tgan taqdirda, uning tarkibiga ushbu lavozimga yangidan tayinlangan shaxslar kiritiladi.

2. Zarurat bo'lganda komissiya tarkibiga Agentlikning tegishli yo'nalish bo'yicha boshqa xodimlari kiritilishi mumkin. Bunda, davlat xaridi media xizmatini yoki media mahsulotlarni xarid qilish bilan bog'liq bo'lganda Axborot va media xizmati rahbari komissiya tarkibiga kiritilishi shart.